

文竹閣詩鈔卷

計四本



文竹閣詩鈔卷五

彭澤許標赤城

甲寅元旦

曙色天開早。蘇山雪未收。回春剛有信。數甲又從頭。作客隨人賀。思鄉只自愁。杯盤羅酒果。喜氣溢中州。

人日邪山司馬攜詠雪詩過訪卽和原韻

小隱衡門嘆朔饑。開窗吮墨試隄癘。狂吟戲效坡公體。人日爭看杜老詩。客舍淒涼寒徹骨。水仙清白玉爲肌。論交文字休嫌晚。酬唱經年答故知。

雲箋疊染錦成堆。老興豪情實壯哉。戰罷玉龍猶偃蹇。文竹閣詩卷五

騎看白鳳詔。毳毼。酣歌郢曲聯吟伴。快煮瓊花破睡媒。

天怕袁安高臥冷。故教青鳥送春來。是日立春

答獻臣親家歸途冒雪見懷原韻

空向天街踏軟塵。那堪回首問前因。頭顱欲白偏驚我。眼底垂青更幾人。老驥猶存千里志。好花要看十分春。何如手把長竿釣。濠上閒觀六六鱗。

新正偕陸蓉屏張伯延童蕉屏何夢樵讌集王謂

堂寓齋

頌獻椒花罷。筵開柏葉新。輞川添畫本。梁苑況芳辰。幾處癡歡賣。伊誰笑語親。欣逢三徑雨。踴躍六街塵。隨意

看山色。何心問主人。偏嘗京洛酒。同叙別離身。雪鬪香
分甲。冰盤煖薦辛。梅腮剛破臘。柳眼合迎春。種樹雲爲
友。鋤經月作鄰。奇書成枕秘。妙墨卽家珍。篋韻臨風度。
爐煙入座頻。愛茲泉石地。願作葛懷民。慷慨悲時事。謙
沖見性真。萍逢休恨晚。良會亦前因。不速來狂客。叨陪
視上賓。蘭亭猶後約。畢集艷陽晨。

送阮子蕃秀才赴莘縣幕

君家昆弟本金玉。摩天展翼並鴻鵠。一朝烽火起蟲沙。
滄海桑田倏變局。可憐王粲別依人。抱將書劍走風塵。
江山到處成知己。情意誰同手足親。

文竹閣詩卷五

偕獻臣親家遊百泉茗飲白露園

奇境如奇畫。不厭百回讀。善徑喜重鈞。往來童僕熟。况
有素心人。偷閑到山麓。池中泳正開。游鱗看六六。啜茗
春風生。滌盡塵萬斛。

次張乙垣客中早春原韻

伊洛蹉跎又到春。頻年離別最傷神。天涯作客逢知己。
官閣聯吟得解人。興到濃時聊縱酒。家經亂後不如貧。
可憐滿篋征衫舊。猶帶京華馬上塵。

訪于邗山司馬不值

君本巖於雲。鎮日山中宿。攜琴來相訪。擬聽彈一曲。閒

雲無定期。竟飛出山谷。巷口故徘徊。門前空剝啄。殘雪消牆陰。旭日蔭林木。何須問主人。獨自看修竹。

次但禔齋同年五十感懷原韻

宦遊曾抱寸心丹。迎養庭闈潔爾餐。萱蔭南陔娛日暖。梅開東閣怯春寒。談深文字交情重。話到團欒客邸難。翻羨君家多樂事。丁添除夕報更闌。

堤前柳葉宛眉舒。烟縷依依畫不如。撫景倍添中歲感。還山生怕故人疎。傳來鄉信憑征雁。借得奇書剔蠹魚。一曲陽春彈絕調。效顰聊自博軒渠。

華髮春催兩鬢皤。行年我亦悔蹉跎。名心漸淡飄零久。文竹閑詩卷五

卷五

三

世味深嘗感慨多。酒縱愁城消魄礪。帆迴宦海慎風波。匡廬峯與芝陽接。未稔鄉關近若何。

歸裝休趁馬蹄忙。悵望烽烟自付量。漫縱清談誇兩晉。別饒風格近三唐。離情莫慰貧兼傲。故態難除懶更狂。何日揮鞭還舊里。掃塵有願仗東皇。

于邠山司馬招飲是吾齋賞牡丹

看得春光到牡丹。

借句

關心幾度怯花殘。青衫司馬多情甚。醉染天香月上闌。

幾朶穠花透碧紗。樓臺四面爛雲霞。紫絲障設金鈴護。

連日辛勤只爲花。

浪遊踏徧軟紅塵。笑倚東風點綴新。華髮朱顏相掩映，
小園深鎖十分春。

輕寒料峭釀芳姿。壓倒羣葩故放遲。我欲名花長對酒，
奪將國色寫臙脂。

邪山畫菊相贈賦此誌謝

揮毫瀟灑出塵埃。隱逸花看次第開。知我性情甘冷淡，
載將秋色好歸來。

家山遙憶近柴桑。惆悵年來舊徑荒。一種芳心憑寫照，
爲憐清影更思鄉。

和孫遠音遊百泉原韻

文竹閣詩卷五

四

小任蘇山經一載。欣逢雅集會羣賢。重尋衛顛源頭水，
似聽廬峰頂上泉。萬事榮心消酒淺。浮生過眼邈雲烟。
勳銘鐘鼎都忘卻。合讓留題片石鐫。

曲池微漾惠風來。爲羨游魚上釣臺。翠黛斜拖深樹接，
靈源遙帶百川迴。歸田靖節思高隱。臥病襄陽愧不才。
極目圓荷浮小葉。流觴好借碧筒杯。

一時勝友本如雲。回晤春風迥不羣。松蓋撐青當戶繞，
蕉天潑綠向窗分。親逢魚鳥情逾洽。話到樓臺日已曛。
萍水締交休恨晚。挑燈好與細論文。

來原有約兼求友。遊卻多情半爲泉。惜別只宜縈柳絮，

瘡貧端不藉榆錢。山嫌樹缺移亭。補園恐籬疎借竹。漏
此地烟霞堪寄跡。中州雨露本無偏。

共城署中蓄一鸚鵡。羽毛鮮翠。惜未能言。余初疑
其少慧。然或卽緘默。以自高者。詩以紀之。

有鳥有鳥名鸚鵡。孳生隴蜀藏春塢。紅嘴綠衣羽毛豐。
性慧羞與凡禽伍。虞人不忍輕張弓。力求生獲收樊籠。
奇貨可居如載寶。歌喉一串玉玲瓏。主人聞之頗屬愛。
青春不惜千金買。懶向雞窗聽談元。謂他心經誦亦解。
詎知曹騰夢未醒。長廊小立心忤忤。亦飲亦啄亦拂羽。
竟如反舌寂無聲。或謂靈禽計至詭。自憚爲犧斷其尾。

文竹閣詩

卷五

五

監於象以齒焚身。奚事隔花猶喚人。且以能言邀調護。
轉而不言定見惡。從今不如花解語。乞歸山林倘見許。
我聞斯人語。我想鸚鵡心。其語測殊淺。其心蘊應深。君
不見古人。座右懸箴銘。三緘其口如守瓶。微禽脈脈凜
茲意。春風不弄如簧音。世人萋斐自矜巧。吾將嗤爾不
如鳥。

共城署後古木數章。每歲春夏之交。有白鷺來占。

鵲巢。伏雛。乃去。余思鷺固水禽。忽棲林木。亦異

事也。

我聞鵲巢落成。初拙鳩喚婦同安。居未聞巢成。鷺入室。

繞樹三而驚夜呼。緬維鷺拳立秋水。伏雛應傍蘆花裏。
胡然盤踞山之巔。綠雲忽驚飛雪起。將謂一枝聊暫借。
和鳴應共飛上下。無端觸閉與蠻爭。鶉欺孺子太無情。
以強凌弱真危殆。觸目賸有遺恨在。昔年華屋感山邱。
幾日桑田變滄海。滿耳猶聞鶴唳聲。沙蟲擾攘夢魂驚。
無家飄泊知多少。林禽變態猶其小。

嘉蔭軒外有桑一株。足蔽風日。綠葉方盛。爲飼蠶者剪去。而主人弗之禁也。因賦采桑曲一章。

五畝宅邊惟樹桑。家家新飼馬頭娘。幾日采罷桑林禿。
不盈一掬空提筐。遙望暑庭葉沃若。一樹濃陰蔭蓮幙。

文竹閣詩

卷五

六

明知勿剪比甘棠。足欲前兮仍且卻。芻蕘偕往古來難。
園囿誰與借盤桓。忻逢司牧重蠶政。任仗遠揚卽弛禁。
異香盈箔充蠶飢。千頭作繭吐冰絲。細擘晴雲資黼黻。
纈成白雪爲裳衣。吁嗟乎吳綾曲譜執袴子。織就絲絲
羅金紫。如非蠶月重條桑。行見三眠蠶盡死。安得翩翩
絢羅綺。

新鄉道中

策騎過山庄。農家四月忙。秧田流水綠。麥隴割雲黃。
曠風來疾林深雨。到涼偶然儼隣叟。小憩樂絢絢。

宿任氏山莊

林間雨過聽呼鳩餅餌人家話麥秋最愛小園多種樹
榴花屋角正紅稠

大梁旅廨偶成用獻臣親家登古吹臺韻

無端落溷與飄茵容易升沈變幻新
爪印羈鴻慵踏雪命纏磨蠹未逢辰
談棊橘裏消長夏遁跡桃源負好春
底事巾車馳狹巷衣裳又染洛陽塵

也知無分任蓬萊客邸蹉跎去復來
交徧吟朋追洛社攜樽酒侶上春臺
池因得月心心印窗爲迎風面面開
花滿河陽驚絕艷幾人樹立賦條枚

硯田何日可歸耕墨灑蕉天蔭
午晴泥落空梁驚燕語

文竹閣詩卷五

七

琴彈深樹識蟬鳴新萍泛泚渾無着
弱柳垂絲大有情千里相思明月夜
夢中離恨未全平

情耽高隱樂徜徉笑說官場是戲場
亂後功名甘冷落少年吐屬悔輕狂
看人槐夢真成幻老我葵心倦向陽
安得胸中消魄礪會須一日醉千觴

宿延津旅館

一徑入雲斜青山走白沙偶然寄踪跡
別自有烟霞屋角花開棗桑陰果種瓜
薜蘿好風景樂處卽爲家

病起

落拓頻年感索居何堪抱恙未全除
養生自笑無他術

拭几焚香讀藥書

春初遣僕南歸探詢近况已五闕月音耗杳然積
感生愁有不能已於言者因紀以詩

傳書無驛使藉爾作飛鴻去年曾往返三月計忽忽烟
塵雖未息音問猶相通全家幸無恙差慰離人衷

今歲中和節復遣汝南歸預計麥秋至銜書向北飛幾
度登城望雙眼穿斜暉迢迢二千里有約寸心違
道途若無阻知汝定前來矧余諸伯仲亦必迫相催如
何五闕月消息梗烟埃搔首空悵望一日腸九迴

我身羈河北我心懷江南兄弟各四散誰爲謀丁男近
文竹閣詩 卷五

八

況未能悉期汝見面談汝竟不得返留滯我何堪

湘江與皖水瓊尾兼流離故鄉苦逼近晝夜羽書馳往
來頻履險安危未可知茫茫天莫問吾將卜蓍龜

自題竹林小憩圖

我家方湖結茆屋種得千竿萬竿竹漫誇涓川貯胸中
聊借此君醫塵俗綠雲冉冉生迴欄開軒靜聽玉琅玕
新筍抽芽助顏色檀欒一例報平安昔年解纜披襟爽
飄飄常作凌雲想風篁成韻禽飛泉中宵滴露聞清響
邇來拂窗夜鳴秋孤燈暮雨輕烟浮問訊東橋寒且瘦

柯亭聞笛慵登樓只期一室生虛白清談風月留佳客

東隣六逸近可招卜居恰稱幽人宅有時枕石眠綠陰
高彈閒抱春風琴有時長嘯入深林照來明月翠微岑
蕭森如坐清涼界忘却詩債與酒債無言懶學芭蕉賢
虛心願效菖蒲拜卽今踪跡羈淇泉常懷曩昔竹林賢
瞻彼猗猗如故園一披圖畫一蹶然

和于邪山司馬雨中不寐原韻

空階浙瀝聽颼颼簷溜丁東響不休時事關心驚夢醒
風塵回首觸鄉愁淇泉對竹思高隱瓜圃分甘憶故侯
何處鶯簧調一曲雙柑斗酒恣清遊

去歲立秋曾有感懷之什今秋又至歸期尙無定

文竹閣詩

卷五

九

也慨然而作

真覺年華似水流蘇門曾記歎淹留西風又到難爲客
南國相思易感秋骨肉幾時同衽席關山何日靖戈矛
劇憐滿地皆荆棘並乏音書慰旅愁

聞蟲

豈有不平感長吟復短吟疎鐘和八耳涼月照驚心天
氣冷猶薄客懷愁更深纏綿無限意輾轉擁孤衾

題周獻臣親家摹陳希夷先生壽字後

文人無俗情揮毫得古意著墨不在多一字專心志緬
維陳希夷一生惟善睡道骨本仙風壽字工布置二筆

揮灑成團結蘊精義名占五福先德惟仁者備飛翰七
百年碑版誰摹誌太息勒銘才文墨視餘事百泉有主
人清風昭吏治訟庭種芭蕉閒情時一寄筆力合飛揚
紅箋花吉利持此祝遐齡俾爾昌而熾行躋公堂春
酒人盡醉爭誇神仙字合稱神仙吏

張東山少府招飲

脫略張公子多情爲客留洛陽誇勝會蠡水記前游暖
茗嵐生座銜杯月上樓陶然同一醉涼味逼新秋

閏七月七日金明山少府招同人集飲蘇門山呂
祖閣道士精舍用有正味齋集中七月七日集

文竹閣詩

卷五

十

飲康山草堂韻

生平性本愛山邱况復佳期又報秋天上神仙重勝會
人間樽酒滌閒愁鄉書莫問銜蘆雁旅夢惟盟戲水鷗
飲到斜陽翻惜別今宵風月好勾留

得家書

鴻雁忽飛來離人驚且喜攜有故鄉書萬金真可抵
家貧得心閒家饒爲身累可憐諸弟昆遷避深山裏
孺子受鶉欺五日三移徙四顧倚無人依舊歸桑梓
慘絕舊鄉煨滿地堆經史遺卷惜叢殘不忍開緘視
田園已就荒華屋亦經燬離家會幾時變幻至如此

浮余一身孤半肩舊行李湖海任飄零何日歸田里

閏七月十五夜月色甚皎偕張乙垣孝廉周獻臣
刺史集槐蔭軒中仿張船山太史作借中秋之
會卽傲其體

月到中秋氣愈爽詩人預借發奇想今月還同古月明
古人逸事今人仿蘇門月色一泓清筠廊瀉綠秋有聲
髣髴浣溪樓下景勾起秋士無限情招酒侶呼詩儔百
門泉上借中秋竹無風一線溪橋月半鉤清談竟夕興
爽猶拍肩同消萬斛愁人生有福宜消受算來不如杯
在手安得年年秋色平分夜合到瓊樓暢飲黃花酒君
文竹閣詩卷五

十一

不聞晉代詩人陶徵士白衣送酒酣栗里又不聞一斗
百篇李謫仙舉杯邀月問青天我輩隨時當行樂如此
良宵無爽約置閨雖教佳節遲樽中有酒要預支且泥
牽牛花間露當作桂秋香滿時人三兩酒千卮江湖有
味蟹螯持大醉曹騰不自知惟見皓月倒影臨清池倘
教此後夜三五雲掩月光暮還雨翻幸早作中秋至佳
會無煩從後補

次獻臣親家秋日雜感原韻

太行山色極天秋爽氣西來一望收蘇嶺桐飄涼露冷
溟泉竹映綠雲稠羈鴻草草留陳跡旅燕喃喃話別愁

莫道近來吟興減，騷壇結伴好賡酬。
霜信寒催快整襟，聲聞砧杵客驚心。空江久抱芙蓉怨，
永夜愁聽蟋蟀吟。目極長安三弄笛，情移海水一橫琴。
枝棲我是無巢鳥，日對斜陽戀舊林。
別院游蜂鬧午衙，過牆樹影覆鄰家。生機不剪窗前草，
意蕊頻開筆底花。棐几繙經閑相鶴，蕭齋聽鼓雜鳴蛙。
刀鋸自笑何時轉，若待歸期早及瓜。

幾度商量去住難，借書排悶百回看。未忘結習編詩稿，
叅透禪心讓宰官。閱世情深機事淺，封侯夢少醒時安。
雞蟲得失都忘却，不飾衣裳不整冠。

又竹閣詩

卷五

七

野田無限好秋光，露積香秔正築場。稻嶼登筵頻縱酒，
莼鱸入饌倍思鄉。荻花楓葉懷溇水，木落波寒感岳陽。
難得天高經雨洗，金華流日照扶桑。

山水怡情仰知仁，優游泉石寄閒身。坡仙愛效歐公體，
鮑叔深知管子貧。把臂論交風氣古，劈箋聯句墨華勻。
天涯走徧炎涼闕，不負平生得幾人。

桂苒年華感逝波，鬢絲憔悴定如何。生逢憂患須沈醉，
氣吐縱橫敢放歌。雷煥風塵空識劍，魯陽日夕尙揮戈。
文章報國成虛話，枉事毛錐受墨磨。

幾年鄉夢每相撩，搔首天南入泐寥。客况無聊殊悵悵，

歸心莫定尙搖搖峰回路轉山程險桂棹蘭橈水國遙
底事桓温怨楊柳離情都付短長條
田荒無地可躬耕擬學漁樵過一生雲出竟成歸岫嬾
泉鳴時聽在清江湖流寓悲王粲婚嫁關心累向平
欹枕深宵私嘆息年來誤我是虛名

弟北兄南各一天百重圍出計安全尙虞白首家何在
敢說青雲志益堅親友無端離別感山川未了去來緣
撫時不禁添愁緒悵望中秋月又圓

連宵風月縱高談剪燭蕉窗漏轉三宋玉悲生西楚外
蘭成哀感大江南身從多累閒方得筆爲常停輿不酣
女竹閣詩卷五
差喜木樨花正發香來鼻觀識仙龕

三

萬事看空具化機莊周蝴蝶夢飛胸無妄念憂偏少
口不狂言謗自稀途歷三千長作客年將五十漸知非
江州司馬憐同病聽唱琵琶淚滿衣

久客共城欲歸不得重陽節後仍偕張乙垣回都

口占絕句二首

居近蘇門日往還遄歸無計問刀環何期客已如雲懶
又被秋風遣出山

斷橋流水草青青繫馬郵亭兩度經楊柳垂黃蘆葦白
不堪相對感飄零

早起

侵曉驅車月漸西。鈴聲遙奮遠村雞。安閒不及枝頭鳥。
日出城東尙穩棲。

宿栢鄉縣晤彭錫之太守之任湖南

羨君乘五馬竟赴岳陽城。旅館孤燈夜鄉關。舊雨情琳
瑯千卷積羞澀。一囊輕差喜烽烟靖湘波。此去平

李玉階員外招同趙平山太守華又齋農部李晴

川侍郎雷竹安張乙垣兩孝廉小飲寓齋讌菊
卽事

斗酒藏之久黃花尙未殘。清風來戶牖。明月上闌干。晚
女竹閣詩 卷五 古

節交逾淡同心飲極歡。懷人立潭上。應羨話團欒。

寄懷周獻臣親家卽用其見贈原韻

蘇門小憩仰山高。交徧詩豪與酒豪。忽駕巾車馳狹巷。
驚聽鈴鐸引銀條。相逢冠蓋都無着。賴有琴書雅自操。
滿目西風搖曠野。小園誰共剪秋蒿。

靈山香火證前因。瀟灑惟君早出塵。一笑青衿殊誤我。
廿年黃甲慣看人。敢誇勝算能操券。轉愧掄材似積薪。
何日初心終不負。喬松珍重歲寒身。

柬王柳坪

太白流夜郎東坡謫儋耳。天意愛才人必使。行萬里君

才本不羈詎肯守桑梓况復故鄉中烽烟競四起吾家
彭蠡湖五日三移徙風鶴不勝驚燕雀靡所止去歲辭
京華蘇門阻行李今又勒馬同豈爲戀朱紫南望已無
家萍蓬乃如此翻羨君壯遊看盡好山水瀚海揚蒲颿
水天馳驟駢有時發長吟烟雲供驅使到處有逢迎莫
歎無知已疆域本無邊勳名隨地紀君恩重賜環臣
心銘陟岵壯哉棄繻生歸博慈親喜

次于邠山司馬見贈原韻

襟懷不許俗塵投除卻聯吟懶應酬遙憶陳蕃常解榻
清談竟日別猶留

文竹閣詩卷五

十五

名園曾共賞春光遣興隨招入醉鄉十萬金錢供一笑
先生忘卻是空囊

者番送我入燕臺話別郵亭酒一杯自笑浮雲無定著
隨風吹去又吹來

家山千里別離難輾轉孤衾寢不安羨煞清狂陶靖節

邠翁有句云今
是昨非陶靖節南山歸臥早辭官

次但視齋農部見贈原韻

兩年記共夜飛觴羞說雲程馬首曩餞我猶容寬酒政
離君誰與鎮詞場燕臺對月分虛白漳水臨池搗硬黃

時館於彰德府

詩廉溪署中異地相思同作客羈縻何日豁愁腸

李晴川侍郎留飲寓齋

傲霜餘艷菊猶存
蘆葦生兒芥有孫
足跡我剛臨舊館
頭銜君正沐新恩
雲泥遠隔偏忘分
臭味相投喜細論
世事如棋談一局

時君與李
玉階手談

消寒還借酒生溫

都中得鄭壁西明府巴東信息喜賦卻寄

記得春風暗嘯臺
愁看楚北尙烟埃
時當抑塞誰憐遇
事到艱難轉見才
天外喜聞鳧舄駐
日邊忻寄鯉書來
余生行止真無定
一笑都門出復回

徐漢卿碧珊昆季招飲喜晤于邗山

家學淵源本世儒
宦遊挈眷足清娛
襟懷不讓東西陸
文竹閣詩卷五

六

風雅咸推大小蘇
交遍公卿傾洛酒
客來酌唱濫齊竿

忻逢座右陶徵士
秋菊爭看繪入圖

壁間碧珊自畫菊
花一軸那翁極賞

和尅臣親家送赴楚南清泉任原韻

七年桃李赴春官
名未經題澹墨乾
自笑女貞長不字
何期將老復登壇
傳薪共信雞廉守
聽訟唯平雀角難
誰體實心行實政
讀書端不負儒冠

征塵粟六壯顏銷
斯夕相親慰寂寥
去日記曾經歲聚
從今直隔萬山遙
輸贏棋局原難定
箇瀨山花各自飄
憶上蘇門勞餞別
好談風月趁良宵

同是浮名絆此身
登途還問箇中人
時逢判轡懷前夢

官到親民識舊因敢藉烹鮮矜辣手好憑製錦見天真
當前誰似冰壺澈都仗靈犀不受塵
欲歸悵望苦無家睽隔山顛更水涯此去襟痕愁對酒
者番情緒亂如麻前途雲水關心問後路春秋望眼賒
手把離騷思曩哲請君往復讀懷沙

于邗山司馬聞余將宦遊南楚有詩留別卽次原
韻

猶憶蘇門別吟鞭著九秋春風重聚首萍水話離愁且
飲一壺酒休懷千歲憂升沈俱莫問蹤跡等雲浮

裕州道中

文竹閣詩卷五

十七

垂楊十里綠雲遮繫馬人來問酒家最喜沿村春雨後
牆陰開遍紫桐花

昆陽懷古

圖兆金刀漢祚長功成一戰在昆陽星辰有象鍾豪傑
雷雨關心護帝王麟閣儘教諸將畫羊裘終讓故人狂
盛衰千古無窮恨常使英雄涕泗滂

過南陽喜晤黃子紱明府兼訪諸葛武侯故居

單車羸馬過花封一見欣如舊雨逢自是鄉關情懇至
果然儒吏語雍容談來壯士誰如虎

時團練鄉勇

憶到名臣

仰臥龍指點高崗廬尙在庭前古柏翠千重

三月望後自樊城買舟往衡口占絕句

輕車甫卸又輕舟舊夢重尋水國鷗笑指襄陽斜對面
翦江重訪米家樓

幾年巨浪走蛟鼉喚渡頻臨未敢過今日春帆來細雨
驚心猶自怯風波

家住方湖第幾灣江分九派歷重關邇來廬嶽休相問
且望衡州九面山

懷劉煦山親家

朱陳結締本同村管鮑論交夙好敦卅載心情永金石
十年觴詠共琴尊南船北馬虛中歲春樹江雲憶故園
文竹閣詩卷五

何日天涯重聚首此間風月好評論

懷曾望三

書雲

孝廉

昔年我南歸君猶留冀北今日我旋京君偏返故國聚
散有何常行止殊難測朋輩費猜疑余亦爲君惑君素
志四方懷三亟欲試中原况有事胡爲甘家食想戀三
春暉晨昏宜在側署冷好承歡尊大人現任
萬安縣廣文及時盡子
職區區深此心暫息雲霄翼南北路迢迢烽烟梗消息
安危難預知千里長相憶

舟行卽事

春波綠上三篙漲水深添尺五爭看一片餘霞靜聽數

登柔嶺

江心月落遲眠。浦口日高初醒。每逢活水流清。輒喚篙師煮茗。

幾陣風梳楊柳。三更雨蘸菰蒲。彭澤人來沽酒。沙洋隄外賣魚。

半間三間水驛。十里五里江亭。自笑頻年浪跡。幾如天地浮萍。

憶內

無端風雨滿柴關。飛鳥羈棲莫敢還。虧得梅花寒不睡。帶將雛鶴守孤山。

文竹閣詩卷五

九

嘉魚舟次湯興

楚氛尙未靖。征塵路爲迷。時始問津艤。淙涼添篷背。雨挂帆暖漾。鴨頭春隄邊。飛絮懷前度。水面浮萍笑。此身飄泊何時登。彼岸好風望。斷過江人。

登岳陽樓感賦

昔讀少陵登樓詩。戎馬關山不勝悲。又讀希文斯樓記。憂樂關心天下事。竊疑登臨壯大觀。胡然感極心悲酸。文人偶然脫筆端。未必語語流忠肝。今茲攀巖一徒倚。始信前言中肯綮。果然氣象涵萬千。乾坤日夜浮湘水。剗憐華屋盡山邱。撫時竊抱古人憂。側聞烽火猶未休。

戈舡上下使人愁又况君山似小孤水面濃青浮畫圖
故鄉江嶼今成墟何堪目極洞庭湖

南津港弔孝烈靈妃

秦時武陵令姓羅名君用錘鐵過洞庭騎鯨女抱痛女
時十六齡弱弟未成丁臨流以身殉大節垂典型後每
逢陰雨精魂現河澗土人建崇祠陸賈獻銅鼓其事聞
於朝靈爽益昭昭追賜謚孝烈祀典列明條無何歷千
載桑田變滄海廟貌縱巍然傾圮今何在
蟲魚摩難窺芳名幾湮歿讀之生傷悲想其軀捐水曹
娥事相似娥生於漢代或聞風興起人知娥之名莫識
文竹閣詩卷五

妃之貞荒址一憑弔湘江怒濤生

過洞庭

家住方湖濱日日面湖水上則爲鄱陽下則爲彭蠡動
腳水程多招招唯舟子不是誇膽夫往來本熟視今初
臨洞庭湖寬八百里溯流訪澧沅尋芳問蘭芷入境過
巴陵君山遙屈指攬勝一登樓大觀從此始無何石尤
風扁舟連日艤小艇盪小娃南港竟成市今宵風初平
滿湖淨如綺皓月湧湖心天光接尺咫解纜揚蒲帆波
濤望瀾瀾浪高尙如山船頭翻紫忽來笛一聲朗吟
湘波裏不見怒濤生顛覺狂飈止魚泳兼鳥翔蛟龍伏

湖底履險如砥平私心竊自喜環顧好湖山故鄉似無
此山而表一

桃源道中

林深地僻寂無譁獨自成村三兩家不見桃紅飛片片
好風香送白蓮花

一溪流水抱山莊洗濯塵纓好納涼憶自淵明尋去後
問津幾見有漁郎

廿年連日度辰龍馬鞍芙蓉諸閑感賦一律

石笏萬峯橫凌空頂上行渾無人跡到惟見嶽雲生不
復重閑險焉知大道平疲勞何敢告努力赴前程

文竹閣詩

卷五

三

廿年于役朗溪丁松階明府館余於三江書院題壁四
章卽柬明府

廿年七度走京華小住河陽學種花未報春暉愁捧檄
回思故國已無家烟迷漢水收歸棹路繞沙洋泛釣槎
只道微軀少休息誰知作客又天涯

快整行裝挈伴遊

時與舒鸞橋
廣文偕行

頻催羽檄速星郵湘湖

雲樹千重接黔粵風烟一望收白社騷壇稽絕巘青陂
古渡喚輕舟三江自昔稱天險鎖鑰東南半壁留

深山何處一聲鐘洞裏乾坤世外蹤披地文峯排玉笋

摩天靈嶽峙金龍琴調澗底諸溪水籟發雲端半嶺松

閒倚祇園烹茗清談還喜老僧逢

世路崎嶇托足艱宏開藝苑借盤桓花占科第非容易

闕蓮開並蒂
頭兆科名

巨有絃歌大是難且喜把杯澆醜礪不應

無夢到邯鄲圍棋石上留殘局雅度雍容服謝安

松翁
善奕

云故

借傳笙樓廣文遊巖屋寺登眺之餘彷彿與故鄉

仙真巖無異爰紀五古一章

我家仙真巖依巖爲石屋巖上百道泉巖下干竿竹冬

溫夏月涼此地真稱福竊疑非人間天生是使獨詎知

入朗溪靈山比天竺捫蘿叩禪闕入開便不俗竹徑綠

支竹閣詩卷五

雲封松陰白鶴伏絕壑少行蹤交遊唯麋鹿賴逢素心

人家風舊版築出自巖穴間引我入深谷不敢造巖端

亦共臨山腹路轉又峯迴高瞻前遠矚瞰及枯樹顛幽

蘭生簇簇花香高益清葉茂叢更綠相嘆景益奇誰描

畫一幅山僧更多情寒泉手自擲槐火煮新茶嘉肴獻

野饌小憩妙香亭涼風生古木幻境居疑仙幽人淡如

菊同入此山中談言恆心曲又得半日閒絕勝十年讀

奚必歸故山始得傍巖宿

懷王虹橋茂才浙遊

東髮論交禮一師清談猶記夜深時八年蹤跡無消息

萬里關山感別離
婚嫁情長應眷念
親朋望重費猜疑
名成反爲雲遊誤

君近年可揆次出貢浪遊不返甚爲可惜

怪底天台夢醒

遲

懷梁聘庵師

海水怡情一曲琴
受知常覺受恩深
出頭記藉回春手

隔面終輪向化心
千里門牆空屬望
舊時桃李愧成陰

宦場總怯風波險
及早收帆何處尋

公丁憂回籍卽杜門不出

寄于邠山司馬周獻臣刺史用韓昌黎寄盧仝韻

髯翁僑居共城裏
夢醒繁華年老矣
周子宦遊於其間

蘭言共臭譜
叢齒我來重訪蘇
門山敢誇目中無餘子

文竹閣詩卷五

三

二公不棄聯詩盟
一觴一詠隨時紀
興高采烈乘酒酣

併未見壘疊何耻
登高抗心希古人心
香一瓣常禱祀

無那烽烟猶未平
軍書旁午走黃耳
家山四載慚未歸

無田不祭匪惟士
近聞袁州遭兵燹
計隔星沙百餘里

都知唇齒原相依
振臂一呼義士起
旗鼓堂堂大將壇

前矛後勁供驅使
身先士卒膽氣豪
眼空四海幾知己

儒臣頭戴鐵兜鍪
臺築黃金請隗始
嗟余久未接鄉書

蒼苔久立情何已
側聞遍地起沙蟲
奪我肥馬失駉駟

燒殘華屋等山邱
田園荒蕪廢耜耒
果能毀家卽紆難

應鑄劍戟爲耒耜
舊硯重磨心太平
奚必託言爲貧仕

文竹閣詩鈔卷六

彭澤許標赤城

出郭

我本田間人不慣住城市今日出郭門山林見輒喜長
亭又短亭十里兼三里幾樹老梅開尋香借屐齒貪看
過野橋洗耳聽流水

早起

雞鳴不惜聲征人驚天曉束裝催乘輿殘星尙皎皎千
林木葉飛朔風吹古道沿村聽號寒無衣人不少天公
大有情暖送黃綿襖

文竹閣詩 卷六

偶感

賦性有剛強亦不無柔弱要之剛者直每被柔者縛瞻
彼園中藤攀援上竹閣只見藤青葱漸覩竹黃落手如
假斧柯吾將斯藤剝

見髮落

行年當五十血氣日衰薄况值是病餘秋深毛髮落鬚
鬢漸成翁難覓還童藥羞對鏡臺前開樽時一酌

淶江官廨夜坐有感卽呈王公甫

恩溥

明府

大厦原難一木支紛紛轉徙歎流離可憐月落烏啼夜
正是風聲鶴唳時四座無人殊寂寞孤燈伴我益淒其

交談差喜逢賢尹調度關心仗主持

王公甫署中喜晤李玉珊

清培

孝廉卽送其北土

無端蹤跡寄潭川契結新知話夙緣地主喜逢王逸少

翹材又晤季青蓮方春策馬馳蓬島計日看花到木天

倘遇故人詢近況爲言奔走過流年

夏間于役朗溪今又于役涿江及陰

山諸

東寅友

天時有春溫原不無秋肅德政出深仁亦卽寓刑戮我

觀慈惠師不忍涉嚴酷優柔適養奸禍極由此伏君不

見周有西伯作邦牧秉鞭人心咸畏服又不見鄭有東

文竹閣詩卷六

二

里鑄刑書安良先將鷹鷂逐可知疊沛雨露恩不廢大

發雷霆怒倫教姑息博空名深懼國事多貽誤

懷雷竹安同年之官茶陵

離亭樽酒喜相陪有約前途再把杯今日蚍蜉都掃盡

好將携鶴抱琴來

山程聽說怯烟埃買棹曾經向水隈不識湖湘平似鏡

客船可趁順風開

晨起紀夢

野店宵無析寒雞時亂鳴征人中宵起束裝天未明棹

燭西窗剪團茶活火烹睡魔又復引小臥夢初縈始夢

軍聲警草木皆如兵繼夢飛羽檄催調從南征大兵幸
雲集宵小竄紛紛驕駟推獨步鏡歌唱昇平 朝廷酬
偉績榮寵到公卿光前復耀後累世列簪纓夢中增慚
愧僥倖得浮名宦情正濃至僕夫催登程頓悟塵如網
從知夢是生猛然發深省時聞鐘一聲

探梅

夢入羅浮忽獨醒水邊橋畔月瓏玲願將古色分千朶
快領奇香供一餅

幾年隔別費相思驛路憑誰寄一枝今夕孤山同不睡
寒暄共叙鶴歸時

文竹閣詩卷六

三

踏雪

豈有尋梅興胡然踏雪忙鴻泥增客感驢背助詩狂地
僻迴風緊天高霽月涼山城真不夜扶杖過襄陽

斷橋

徒枉與輿梁每歲成冬月茲橋久傾圯胡爲斯典闕一
水隔迢迢又苦無舟楫從旁有歧途徧窄復徧窄履險
雖如夷驚魂更攝魄莫謂以乘輿濟人總無益

聞會望三

書雲

孝廉率於茶陵州詩以哭之

英年健筆氣橫秋人物曾推第一流

黃樹齋侍郎掌教
諫章常稱會生爲

第一流人物方惜生離添客感那堪死別觸鄉愁蓋棺此際

頽良友

靖玉定夫明府看蒙茶陵

瘞骨何時返故邱痛絕老親念遊

子

令尊壽士先生任萬安縣廣文

倚閭猶自盼歸舟

攸輿晤郭祗瀾中翰出示扼腕吟卽書其後

薇宿台垣朗廬山面目真傾心緣學遂握手更情親咳
唾霏珠玉賡歌泣鬼神少年爭絢爛老境益清新問字
尋來歷無言弟雅馴墨花生寸管大力挽千鈞家世宗
儒業名經證淨因妙叅仙佛果法現宰官身訟息墉平
鼠祥占野有麟運籌紆國難獻策靖邊塵政豈催科拙
心存撫字仁觸懷增慷慨雜感費吟呻蔭慕甘棠樹膏
醲葑屋春腰惟懸劍珮氣不識金銀功想經三折輝應

文竹閣詩

卷六

四

照四鄰騷壇追屈宋戚誼締朱陳秀挹鍾峰外萍蓬楚
澤濱鮑船留飲卯宦海樂同寅爲吏能除俗居官詎爲
貧公餘多著作洵不愧詩人

擬老杜諸將五首

慘絕東南百萬家聲聲鼙鼓不停撾妖氛放膽撐螳臂
鬼賊雄心恣虎牙擊筑漸離增慷慨陳書賈誼重咨嗟
高墉鐵甕誰關鎖日落荒城起暮笳

秦炬燒殘舊草廬天涯何處覓安居尋巢預避驚弓鳥

解網誰蘇涸轍魚抵掌雄關談將略翦燈中夜讀兵書

豐城劍氣冲牛斗惟冀櫬槍盡掃除

往來飄雪駐征驂
廩餉勞師幾莫堪
抱恨屈原吟楚北
含哀庾信問江南
擒王准備強弓挽
取子深從密穴探
大息六朝金粉地
豈容臥榻讓人酣

儒冠新換鐵兜鍪
扇雍容著壯猷
未入疆場收馬革
先膺爵秩爛羊頭
田屯邊外懷充國
饒運關中憶鄴侯
但願同仇伸義憤
就中集腋好成裘

雄雞臍膊叫更殘
時事關心寢不安
浪說提戈擒頽利
可曾拔劍斬樓蘭
遮寒夏想千間廣
結局棋爭一著難
安得普天齊唱凱
平西碑勒仰瞻韓

書高嘯琴傳明府笑方室初稿後

文竹閣詩

卷六

五

詞鋒銳利鬥新尖
洵是才高膽力兼
曩日胸懷原灑落
近年法律更精嚴
飛來鳧鳥停蹤穩
吐出驪珠信手拈
猶恐方家爭笑訕
夢中題額早鳴謙

笑方室是公夢中自題

丙辰元旦東德衡丞明府

喧闐爆竹鬧更闐
曉日瞳瞳迓履端
累我親朋勞欸洽
除夕郭祇關中翰遊同度歲羨君兒女語團圓
樂投閒自惜無才吏作

事終須有印官且借酒杯酬令節
平原十日好聯歡

雜詩

莫謂山不高平地起危巒
莫謂水不深尺澤有狂瀾
哲人慎自保舉步畏艱難
一事倘廢弛憂思集百端
人生

染醜毒多在懷宴安

燕昭餌佳士高築黃金臺長安重結交車馬矜往來眼中
艷富貴要非真憐才抱璞屢獻楚此事殊堪哀賦性
甘淡泊懷抱向誰開

落落此一身渺爾蜉蝣寄靜坐邇室中坦然廓胸次詎
弗貴經營從自疲神志吉莫由人趨凶亦何庸避萬事
聽彼蒼自有巧安置

有才不自歛馳情多刻薄無能但率真馭事鮮疎畧履
險盡畏途先宜穩立腳負荷況匪輕斯人生死託寄語
握權者孽勿由自作

文竹閣詩

卷六

六

秋月何皎潔輪圓分外明秋水何澄鮮湖平澈底清
明如水月方不負平生於己可自信於人可共盟卽令
註下考先哲景陽城

天地竭菁華生才原有限物力念維艱利用宜從簡踵
事倘增華此身不及檢衣食之粟絲受病良不淺所以
范堯夫養廉先以儉

新正讌集郭砥澗姻家禹齋卽用其除夕感賦原

韻

來不相迎去不辭情深翻悔訂交遲漫隨賈島詩同祭
且學揚雄字問竒柳陌晴開風漸暖梅梢雪霽月頻移

客中亦有團樂樂忘卻歸期未有期

一堂星聚老人明

時借飲者有攸邑劉松園茂才
廬邑曾劉兩鄉丈俱年屆古稀

况復

汾陽舊有聲四座傾心欽學邃六房開口說官清偶談
時事徧多感細問鄉關倍有情慚愧風流殊靖節翻勞

旨酒晉王宏

再疊前韻呈砥澗中翰

黃絹爭傳絕妙辭新裁幅錦企邱遲鐘峰梓里高曾仰
湘水萍逢遇益奇宴集紅顏兼白髮時驚物換又星移
人生離合原無定莫忘陰山聚首期

此間水秀亦山明扼腕時聞感喟聲風急收帆孤棹穩
文竹閣詩卷六

七

樓高吹笛五更清雪鴻蹤跡他鄉夢戎馬馳驅故國情
眷念江南與江北海天懷抱最恢宏

次高嘯琴見贈原韻

花風又報草堂春老大驚心屈五旬笑彼雞蟲爭得失
羨君龍馬健精神波濤怯險權停槳著作成林快等身
形跡俱忘頻對酒客中無主亦無賓

潦倒何心賦落霞聊將觴詠度年華浮沈不定風中絮

聚散無端水上花五載空懷彭蠡月三春未泛漢江槎

去春擬回籍修墓因
漢口烽烟梗塞不果

欣逢七澤風騷主屈宋才高合一

家

雁字同嘯琴作

羣鴻戲海灑雲烟真跡親窺興致翩飛白記曾啣雪菽
問音還欲向青天休嫌筆墨空中擲自有音書塞外傳
一幅來禽呈八法仿摹誰孽雁頭箋

鴻賓同嘯琴作

頻年作客楚江秋遠浦平沙記舊遊小別猶聯先後序
重來詎爲稻梁謀江涵片影雲程接塗印香泥雪爪留
忽聽五絃揮旅埃翻勞目送過南樓

醴泉道中喜晤鄒文醒周並同鄉曾子煥文留宿

地偏一旅館投宿客已滿自恨來何遲天寒日又晚欲

文竹閣詩卷六

八

進舉步艱欲退回轍難黃昏途窮候何地借盤桓有客
廣交遊年高舊姓鄒一見如相識行旌爲挽留其友吉
人風派衍曾南豐問余何所適掃榻請停蹤我思曾氏
子情重緣桑梓不意鄒老人宿亦勸止止萍水結芳鄰
斯文一脈親出紙求楹帖又覺墨磨人我久不作字毛
錐子安事隨意一揮毫工拙原不計詎知筆剛落持扇
乞近作士竟解吟詩爲之一懽樂因悟世上情絕處必
逢生敢詡聲名溢到處有逢迎

淶江官署與槿柏軒

賦

明府話別

我去君忽來我來君又去來去苦匆匆愁懷未盡訴

弔紅拂墓

英雄未遇伏草澤眼底垂青先巾幗帳前久識龍虎姿
夜半潛行秋月白妾身舊姓虬髯同公平嶺桂願從戎
詎知弟妹競相呼魄隕醴泉客星孤隔江一峯高突兀
左右環繞泉出歿美人壽命不久長遂令黃土埋白骨
我今暫駐王喬舄斷碣殘碑字莫識香塚猶留身後名
山自青青水自碧

飲酒

殘雪積牆陰淒風穿甕隔何以度春宵欣然貰春酒人
未來白衣心卻盟紅友始焉酌三升繼焉飲一斗衰顏

文竹閣詩

卷六

九

醉轉紅餘寒消九九可知月當頭不如杯在手

閱醴陵縣志有懷吾鄉王孟箕

演疇

先生

蘭亭雅擅換鵝字鶴舞鴻飛狀筆勢舊家妙墨多珍藏
響堂真蹟留碑記文人染翰原餘事從古醇儒卽循吏
二百年前守此邦崇文造士銷積弊總期約已與便民
遂著十奇表三異我今重履舊治地遠懷政績稽前志
潤色鴻業猶有光景慕倍切鄉先輩人生難留過後思
小憩甘棠頌遺愛

懷鄭可亭

長均參軍

秋前同傍朗溪居蹤跡頻來誼不疎亂後劇憐愁杜甫

客中時問病相如重逢手握三冬候小別心驚一月餘
料得尋梅饒逸興詩囊共背灞橋驢

懷趙琴生

龍門司馬

春風識面感苔岑清獻才情雅慕深作伴不忘千歲鶴
奇懷唯有一張琴蘭言臭共良宵話菊酒痕留去日襟
潞水章門頻告警與君同繫故園心

涿江書院題壁

南國藝林宏規模白鹿洞外推鵝湖有宋作人開文運
維楚寶善生醇儒醴陵山水最清淑士習彬彬尙淳樸
名賢流寓於其鄉先後講學宏教育紫陽朱子知潭州

文竹閣詩

卷六

十

吳

文定臣

二公相從遊羽翼經傳有人在儀容親炙辨

香留學宗關洛又呂氏南軒更得論仁旨同時嶽麓相
往來涿江人文爭蔚起養士綽有洙泗風絃誦鼓歌於
其中羹牆几席淵源接羣材蒼萃斯道隆我家彭澤鄱
湖口陶公好飲黃花酒不爲五斗輕折腰藝苑得名曰
五柳敢言桃李在公門也曾樽酒細論文太息頻年遭
蹂躪千間廣厦經兵焚覩此堂開涿水曲平安日倚瀟
湘竹安得全家移此間靖興峯旁築茆屋

絕句

孤雲一片惜歸遲省識春風拂面時贏得行裝無長物

新添一卷楚遊詩

為愛蘭湘九畹蘭淹留蕙苑莫知還披香欲借徐熙筆
繪出春前淡冶山

中和節湘西道中卽事

中田土帶結茆廬父老耕耘樂自如相對量晴兼較雨
問誰此日進農書

去日笙歌樂事娛今逢士女又歡呼朱陳村裏敦遺俗
欲為重臨嫁娶圖

見人家上塚感賦

麥飯頻攜上翠微墓田到處紙錢飛我家先塚何人祭
女竹闌詩卷六

每到清明歎未歸

哭劉馮亭名璧茂才

我十三君十五自幼連林聽風雨我廿六君廿八文場

鏖戰爭騰達同禮一名師共受一人知柳州論文夜章

門獻策時春風秋月常相隨交盟白首無窮期詎料浮

雲世事改昔日桑田變滄海迴思少壯曾幾時一別忽

經二十載前年君重過我廬知君有子讀父書何苦曇

花現卽墮西河抱痛長歎歎以此肝腸愁更結憐君嘔

盡心頭血還期苦盡甘復來誰知生離成死別能文手

筆爭上游韓潮蘇海古人情太息風流今歇絕賞音誰

與登南樓詩音突聞楚水曲未得生芻獻一束知心老
友竟彫零聊賦長歌當一哭

城夜

足未出城市身先登城闕烟火起萬家春樹蔭清樾長
天無片雲惟見一輪月

和風颺酒旗輕烟含山郭閃閃明春燈聲聲聽關柝攪
人不能眠雞鳴又腹痛

春夜郡伯吳安谷先生招同朱石樵太守崔柏軒

齊慎菴劉禹川明府小飲署齋

難教我輩一樽同好客何當過醉翁折柬邀來聯舊雨

文竹閣詩卷六

十一

舉杯贏得是春風園開桃李花光艷坐擁琴書燭影紅
午夜談深還暢飲照人明月入簾櫳

城樓偶感

踏遍城南路移居更上樓陸機曾入洛王粲尚依劉職
笑同關吏腰羞折督郵況當春晝豸兀坐使人愁

題謝仙霞女史雪韻樓遺草

薄遊湘水外香草美人心况續謝庭詠兼垂貧女箴

卷末

有貧女誠一篇雲花驚挫折月魄感銷沈翻喜名傳早生前費

苦吟

詠史

我愛陶淵明。宅邊樹五柳。春尋桃花源。秋飲黃花酒。豈
真懶折腰。俸米輕五斗。實不事兩朝。毅然解組綬。風想
晉魏間。人是羲皇友。彭澤藉留名。幸生哲人後。

我愛賈太傅。千古文章伯。痛哭而陳書。猶留治安策。大
賢誰不容。夜半虛前席。長沙卑濕地。何嫌遠遷謫。獨憐
命不延。年少楚南客。鵬賦空流傳。瀟湘秋月白。

我愛嚴子陵。東漢一逸民。披裘冒風雪。垂綸釣富春。不
知天子貴。相視爲故人。犯座占太史。伸足驚星辰。世人
矜軒冕。素衣染緇塵。何如先生風。放懷山水濱。

我愛董仲舒。篤志爲醇儒。秦暴廢學校。漢興藉匡扶。下
文竹閣詩。卷六
十一
帷崇經術。對策仿典謨。邪正不兩立。毀譽亦殊途。要其
明聖道。感通何天衢。守先以待後。令人懷江都。

我愛諸葛公。巾扇獨雍容。南陽廬結草。高岡臥如龍。二
表垂懿訓。八陣建殊功。藉非勤三顧。安得出隆中。峩峩
定軍山。仰止欽英風。墓前表祠宇。古柏尙菁蔥。

我愛李太白。詩狂兼酒狂。苦心排力士。巨眼識汾陽。才
大難爲用。遣成流夜郎。忠愛同杜甫。憂思託篇章。自是
有仙骨。捉月醉壺觴。牛渚餘英魄。青山一水長。

我愛韓昌黎。大筆何淋漓。師爲百世表。文起八代衰。尊
聖力闢佛。功紀淮西碑。皇皇濟世心。亟欲展施爲。奈何

三上書。反爲後學導。知人須論世。慎勿泥文辭。

我愛白司馬。遷謫泣潯陽。琵琶憐商婦。香山築草堂。寄懷時一詠。遣興傾一觴。每飲不辭醉。醉吟情更長。諷諭近激烈。閒適寓感傷。晚年號樂天。結習未能忘。

我愛蘇東坡。雄文高百代。自成一家言。經綸寓慷慨。立朝樹讜論。身不顧利害。放浪嶺海間。風情益豪邁。元祐學流傳。眉山舊有派。信爲儒者宗。微言昭法戒。

我愛黃山谷。心香一瓣傳。詩爲西江祖。流寓涪水邊。銅雀遺古瓦。硯銘手自鐫。建安風骨在。題詠百鍊堅。窮荒雖流落。不受俗人憐。終身皆自若。宗派仰鄉賢。

文竹閣詩卷六

十四

我愛文信國。孤忠成大節。故國望黃冠。杜宇啼碧血。慨自宋運衰。幽囚繫徽纆。丹心不肯降。寸寸肝腸裂。豈弗知保身。偷生原不屑。正氣塞兩間。彈琴聲淒絕。

我愛姚公茂。變理先調元。經學唱西北。皇綱振中原。鳴琴治社稷。拔劍握乾坤。同僚竇與許。皆知聖道尊。和衷而共濟。蔚然文物興。絕學高千古。斯文誰相承。

我愛方希直。堅貞節不屈。兵謀非所長。文學推第一。篇出爭傳誦。錄爲侯成集。胡天降亂離。悲聲徹殿陛。命詔不敢草。甘死憤投筆。絕命猶有詩。長虹貫白日。

我愛王文成。理學兼名臣。良知先獨闡。用兵尤如神。宸

濠方犯順。竒計靖烟塵。功烈本德性。大力回千鈞。銘勳
非自炫。讓美辭溫醇。至今開先寺。片石蒼苔新。
我愛海剛峯。力闢長生說。獨矢比干心。莫捫常山舌。藥
必製而成。桃必採而得。謂之天與仙。修真意何惑。帝終
感其言。爲之三歎息。詔獄仍留中。黃錦幸在側。
我愛楊椒山。弗甘爲牧豎。十罪定嵩奸。疏入反見怒。二
王弗召諭。三木何忍覩。膽不藉蚘蛇。忠奸瀝千古。生前
未了恩。猶思返魂補。真不負詩書。豈徒精律呂。

次吳麝周

榮版

孝廉感懷原韻

交遊會共歲華新。瀟灑襟期迥出塵。恰聽催耕逢小卯。
文竹閣詩卷六

卷六

五

正須行樂趁芳辰。飄零不信終無底。珍重由來是此身。
賴有羣賢時畢集。風光猶似永和春。

也會投刺慎攀轅。虛領花風廿四番。學草臨池爭潑墨。
陶情對酒且開尊。山從南嶽回頭望。水溯西江一口吞。
獨惜流亡偏滿日。上圖誰仿鄭監門。

蔡忠烈墓

日落偶出南門道。頽垣荒涼生蔓草。孤墳壘壘繫何人。
大書忠臣蔡江門籍隸晉江登臺省齒牙曾啖紅綾餅。
官居司理攝府篆卓卓有聲著骨鯁。何來流賊犯星沙。
江波鼎沸十萬家。倉皇失措釜底泣。孤城傾陷啼飛鴉。

豈無守將先逝去一時偷生避刀鋸而公正襟危坐守
大聲罵賊不絕口如公一死重泰山那期馬革裹尸還
帳下竒兒戮將盡誰收殘骸瞻蓋棺幸有義卒凌國倭
請留後死爲主殯藁葬城南卜云吉事生事死願已畢
恨不能斬奸賊頭猶得死所依松楸官吏同心葬一邱
其人其事俱千秋我聞死義李忠節殉主沈忠亦勇決
今公事蹟適相符豈其後身重歷劫俠骨在地魂在大
交遊早結夢中緣夜臺車騎雖極盛精衛木石寃難填
邇來軍書正旁午兵屯墓傍伐鼙鼓聞公靈爽益昭昭
尙餘遺恨滿南楚

文竹閣詩

卷六

十六

李烈婦張氏詩

婦生於張適於李相夫青照生有子同居楚北家甚貧
甘爲奴隸常忍耻隨夫赴慎失所因舟泊星沙圖脫身
詎知登岸離苦海回頭取橐逢匪人匪人始焉圖厥利
得金索佩出竒計繼焉見婦艷其色虎視耽耽相逼迫
婦虞白璧受塵汗奮身投河蒼天呼其子雙喜泣呱呱
夫聞遇害鳴當途復念妻子俱已亡有何面目還故鄉
一縵投破古今荒一門節義誰闡揚長吏請旨旌其烈
四凶伏誅冤稍雪天星閣下草萋萋春風杜鵑猶啼血
嗚呼婦死五十年三朝舊事碑詳鐫摩崖讀罷涕泗漣

成仁取義千秋傳

遐想

天地本好生萬物歸長養卽如一飛禽林泉任來往一朝入籠中其心似怏怏放之出林端扶搖應直上如何弗高翔又自投羅網豈亦有數定令人發遐想

自題五老圖

昔遊白鹿洞遙瞻五老峯雲中一招手隱約笑相逢今者臨嶽麓著屐尋仙蹤披圖欽皓首欣覩真儀容一人倚峭石俯首彌謙恭一人獨矍鑠健步扶短筇其餘比肩集面面環春風要皆壽者相觀海心毋同我欲聯詩文竹閣詩

卷六

十七

社朝夕載酒從安得飛身入長揖謁諸翁諸翁如見許相喻不言中

周獻臣親家以秋日偶感見懷詩寄示次原韻奉答

爲客曾登著作庭別來眼角尚留青不堪桐院驚疎雨猶戀槐廳聚德星宋玉悲秋閒作賦陳搏鼾睡夢初醒身羈塵網才華減覓句難邀筆硯靈

惜別柔腸正九迴一箇天外忽飛來頻添雅詠爭酬唱如對清談共酒杯河北泉聲微雨過湘南山色暮雲開傳書賴有衡陽雁消息相通往復回

去秋五十初度時于役洪江正逢病後欲吟一字
卒不能成今春于役南城枯坐無聊補賦感懷
四律

流光如駛負居諸僕僕風塵薄笨車垂老心情曾憶杜
知非歲月恰爲蘧稀瞻短髮憐秋後瘦指織腰惜病餘
差喜竹孫連吐秀平安新接故鄉書

服政羣推壯志存蹉跎何竟負深恩非關絲竹忘中歲
愧乏涓埃答 至尊千里悲秋同宋玉經旬縱飲作平
原誰能白首終歡笑憶到梅花有夢痕

生非耄耄與期頤何事稱觴獻玉卮獨惜雪泥鴻爪印
文竹閣詩卷六

更憐雲驛羽書馳親朋有用歸零落

張蘭坡高韻珊彭
霽帆劉寅生楊贊

臣會望三周小春魏
鏡湖俱先後下世

骨肉無多感別離迴首聯床風雨

夜此情此景記兒時

三楚淹留歎寂寥離騷借讀度深宵事當疑處天難問
愁到真時酒莫澆秋色早催彭蠡雁春光又滿九江潮
年來年去尋常事只望烟塵海寓消

答高嘯琴再疊前韻

桃諸煢罷又梅諸識味曾停過客車同是依人休笑粲
難言遣使盡如蘧帆收宦海波揚後株守愁城雨過餘
兩地身閒心共劇裁詩權當往來書

問遵道義性存存蠖屈旋伸合感恩慷慨陳書懷賈誼
縱橫叱馭想王尊驚心白雪留雙鬢搔首蒼天邛大原
烽火連年增涕泣征衫有淚尙餘痕

口實何心快朶頤旗亭餞別酒盈卮音驚天外飛鴻響
影逐途中野馬馳編集題橋慚仲晦悲歌擊筑仰漸離
猶懷刻燭聯吟夜坐到鄰雞唱曉時

分襟誰與伴寥寥夢繞麟峰不問宵把酒惟邀明月對
移花閒汲醴泉澆無絃自得琴中趣強弩誰平海上潮
他日重逢須暢飲鄉愁客感一齊銷

答恩小農三疊前韻

文竹閣詩

卷六

九

險阻艱難歷試諸至今未獲指南車方慚歌罷磨齊石
數遣伴來遇衛蘧兩地情深明月共連番典永黑甜餘
推敲幾費沈吟苦悔不挑鐙細讀書

畢竟人心直道存春濃萬彙感天恩縱教四野烽馳火
尙見中衢酒設尊五載羈遊懷故里百年華屋悵荒原
不堪重涉揚江水一路參差落漲痕

觀棋袖手屢支頤局外情閒寄一卮差喜息肩容我懶
不矜捷足讓人馳驚心歲月終荒廢過眼關山話別離
一事無成傷老大立名須及黑頭時

輾轉何由破寂寥把君詩卷度秋宵吟眸好借潭波洗

俗慮還憑茗椀澆松節不隨今古變江流時聽去來潮
清才濃福難兼得漸覺疎狂意氣銷

和作

湖口郭世閻 祇瀾

抱將荆玉忍藏諸門外弓招賁乘車此出鸞栖無草
草偶隨蝶夢亦遠遵知非學並年俱進服政才先仕
有餘最喜華桐孫競秀鳳毛訢報好音書

七上春明慧業存姓名何必注慈恩定知已頌神君
譽豈獨家隆杖者尊蠡水風分鴻雁浦湘江雲憶鶴
鴛原詩情半付南天路舊雨新陽遍屐痕

大衍中開百歲頤滿庭綵隊跛傳厄鱸魚菘菜秋相
湘南酬唱 卷六 二

憶駱馬皇華客載馳投筆班君期定遠歌騷屈子漫
憂離桑弧矢六程難量百里雷封小試時

兵燹茫茫鄉信寥聽雞長自舞深宵儘多腹底韜鈴
貯難得胸中塊壘澆竒績好閑韓子霧雄心欲靖越
王潮與戎悵我頭顱白尙覺豪懷老未銷

山右趙龍門 琴生

抱關吏亦憶居諸湫隘難停長者車下考自甘誰識
鮑知非常愧敢言遠詩名竹閣才無敵廉到臬清味
有餘博雅更逢吳季子

謂吳麟周孝廉吟哦應較等身書

回首南樓友誼存共勤王事感深恩愁腸仍坐城子

雉壘魂誰消酒一尊詩到有才懷子美材非相士愧
平原但期凱唱塵氛靜肯使青衫濕淚痕

評詩最是解人頤敢閉餘閒好共卮關塞竇鴻驚小
別春城驛馬又交馳鄉心冀北空匏繫翹首江南慘
黍離駐守星埔頻警柝寢難安枕五更時

湖湘極目楚天寥聽雨樓頭記昨宵潘岳花封悲失
據盧仝茗椀悵空澆才誇白傅潯陽曲筆擬蘇髯海
上潮待得爲君眉壽頌定教劍戟鑄全銷

錢江高 溥 嘯琴

虛堂心鏡蘊方諸怯險權停百里車隔歲春秋剛及
相南酬唱卷六

艾故廬風雨未忘邁吟推工部揮毫候和挹荆州識
面餘淥水新歡聯日夕催科又奉淶江書

雲翰傳來荷注存苔岑知己感恩新恩孫枝解籥添雙
秀客館舍飴制一尊驛路卽看騰驤勒皇華不負逐
龍原承陽草木羣思澤盼望涵濡雨露痕

抱慚肉食朶雙頤才短無從補漏卮遠遜使君精鑑
察好教王國效驅馳匡衡此日詩同說趙軌他年水
鏡離瘦骨不須嗟老病華齡正及服官時

一般無計破清寥幸有賓朋話逐宵對酒瞥驚春已
滿看花懶倩水頻澆家書久梗憐孤館江岸餘聞落

晚湖貝葉長緇香一炷新愁願與舊愁銷

湘西 吳紱榮 麟周

難將美玉韞藏諸花縣榮除駟馬車官好每教情綵
綵心清自覺夢蘧蘧黃封常笑顏酖後白戰安排舅
賈餘爲報彭蠡鴻澤信凱歌新奏捷來書

相見深推大雅存一官雖小亦君恩此才盡吸西江
水有座常開北海尊世事憂逢棋變局烽烟愁及火
燎原請看三楚平何日又爲忠良灑淚痕

楚北
軍管

去年曾說祝期頤未得登堂晉一卮我豈逃名羈歲

湘南酬唱卷六

三

月君方作吏感驅馳蘇公品望原平易白傅詩才漫
陸離閒手一編頻擊節燈前朗誦酒酣時

聚首南樓景廓寥談心一刻惜春宵雅珍象隸圖書
富清愛詩篇茗枕澆荏苒韶光同蟻磨趨迎朔望笑
蜂潮年來我亦無多願只望烟塵海寓銷

借用赤
翁元句

昭潭 王 濟 蓮舟

莫因局促負居諸湘水初停大令車天外鱗鴻雲渺
渺夢中歲月影蘧蘧拈鬚佳句春城裏投筆雄心夜
雨餘好問西州舊風景故園新到數行書

遙知松菊徑猶存繞藤新承雨露恩烽火經年三月

暮見孫羅列九峰尊每懷桑梓思陶令空對蘅蕪弔
屈原預祝琴軒春色永鬢絲青阻雪霜痕

翩翩雅調解人頤自洗閒愁舉酒卮鎖鑰北門同寄
託星霜南國幾驅馳如君才本超流輩望遠詩多感
別離三十六灣今夜月朗吟豪興繼當時

漫把行蹤歎寂寥雄談剪燭話清宵書生自有風雲
會濁酒何須塊壘澆千里扶搖衝岳樹一春消息楚
江潮抱關事業休輕負雲海高騫宿恨銷

賈山
金德麟補之

問誰勒客算居諸道有義和馭日車經本無雙名是
湘南酬唱卷六

慎過先能寡姓非遽勲名媿史今逾盛手筆追燕古
有餘曾見賢良崇報最儒林循吏傳兼書

攬轡澄清素志存蒼生霖雨待蒙恩鯨氣壯驚儂
輦倚馬才高勳至尊賣劍家家謳渤海買絲戶戶
繡平原城南萬丈霞光起掃盡雲烟過眼痕

寶我靈龜快朶頤班衣隊晉瓊卮鹽梅夢叶調宜
鼎騏驎羣空舉早馳北極文章光射斗南邦氣象瑞
符離琴堂一曲薰絃奏暇政而今正及時

相見天涯慰寂寥管城侯共話昕宵

時在首都
同校試卷識丁

目妥空青洗儲甲胸宜大白澆豪氣君吞雲夢澤歸

心我逐廣陵潮詩成聊補南飛鶴福備神仙未易銷

笑談曾見神仙語由風雨歸天 粵西 陳秀芝 龍江

壯志平生慕望諸無端華髻賦征車五旬服政來三
楚千載知非有二遽風月情懷春夢裏乾坤笑傲酒
醒餘牙琴調譜隔年曲酬唱星墀得意書

神仙作吏道心存不集榮枯不市恩修到梅花擎歲
晚劫消兵燹仗年尊旅窗秋水燈紅夜驛路春風草
綠原况瘁難消才子氣征鴻一度一泥痕

憶昔稱觴自解頤百年歡會半銜卮曾經壇上雲龍
逐那禁毫端風雨馳老去悲秋情黯淡客中耐病骨

湘南酬唱

卷六

七古

支離天涯何處堪回首漢樹湘雲日暮時

挑燈獨坐影寥寥愁聽悲笳咽短宵報國幾人同慷
慨問風何處辨淳澆家山書倩春秋雁宦海波驚上
下潮努力前程未期暮輪蹄征鐵莫嫌銷

滿州恩 榮 筱農

僕僕風塵信有諸南征徒自歷舟車同時同志誇瑜
亮知過知機幾甯遽閱世目難空一切當年學未足
三餘吟壇飛將君無敵白戰歸來報捷書

愛菊曾誇晚節存露雷風雨總天恩不經磨鍊心難
固能愛炎涼品自尊人世屈伸皆有數得時左右定

逢原遙知竹馬歡迎候到處題詩認墨痕

事不如心轉解頤澆愁賴有酒盈卮家添喜慶雙珠
茂信報平安一雁馳投筆此番爭擊節抱關無日敢
輕離半簾秋月明如水照見詩人得意時

愁懷無限碧天寥賞月拚教坐半宵酒好延齡招客
飲花能益壽汲泉澆雲山如畫逢秋霽城郭臨江聽
夜潮此景此情須記取旅人登眺總魂銷

長白 佟漢源 秋舫

蹉跎我亦感居諸推轂何人快擁車知已難逢殊落
落浮生若夢轉遽遽文情活潑機叅妙浩氣陵嶒勇

湘南酬唱卷六

三五

賈餘行見服官徵碩學從來報國是詩書

懷刺經年字莫存馮謖彈鋏感君恩性耽圖史胸懷
澗座擁琴書意態尊獻賦三篇追杜老稱觴十日效
平原居然酒伯兼詩伯到處都留潑墨痕

開筵愧我未覲頤誰共飛觴進一卮早慶蘭孫連日
舉拚教竹報向風馳龔黃事業瞻彪炳管樂聲華仰
陸離忝列同寅又同譜與君黼黻聖明時

剪燭西窗話寂寥引人入勝是宵性靈每藉新詩
啟壘塊全憑濁酒澆嶽麓風迴山潑黛湘江雨過夜

添潮天光水色都如繪到此真令世慮銷

千時磨鈍等方諸贏得雞棲伯厚車秋後寒蟬同默
默夢中莊蝶化遷遽歲華有紀稽三楚榮進無心測
四餘結習未忘聊自笑一瓶隨地欲租書

近與翁少
崑同年借

書常邀
同小飲

巨擊何曾見道存榮枯隨分總天恩幾聞直諒能諧
俗解掃炎涼我便尊斫地歌休傷杜老處囊雖恐乏
平原觀空更轉東坡語春夢無痕莫著痕

邂逅相逢乍解頤湘南傾蓋酒盈卮不愁范甌塵封
滿同盼溢城捷報馳聽鼓人都趨暖熱監門我獨嘅

湘南酬唱

卷六

三

流離徂東歲月滔滔甚歸見櫻桃可及時

扶踈雙柱慰寥寥臘鼓春燈兀短宵

人日饒居東城
楊氏之雙桂軒

差喜把君詩過日勝如排悶酒空澆蒼茫仕路同航
海冷淡名心似落潮不解旁人怖芒角胸中磊壘已

全銷

表姪
張錦杼 組雲

甫聞良玉得沾諸戚里喧傳長者車屈指年華符大
衍致身有道卽賢蓬才高受職猷偏壯學富居官德
有餘正直薔薇花滴露蕭齋浣讀數行書

民社關心夙志存者番定可報 深恩達人出仕千

家佛循吏施爲百里尊彭澤高風常憶亮楚邦氣節
久推原芳徽不減諸先哲化雨餘波已露痕

盈門朱履祝期頤有子趨庭獻壽卮

表弟香竹隨侍

愧我雕

蟲甘蠖屈羨公神駿定車馳聯姻恰合三生幸惜別
何堪五載離都喜高陽承世澤桐孫秀發正逢時

連公

舉數孫

兩地關河悵寂寥剪鐙刻燭感春宵胸中芒角書難
盡眼底窮愁酒莫澆無計可平彭蠡浪有誰能射浙
江潮中流定是迴瀾手障海蠻煙指日銷

伯兄

楷東園

湘南酬唱

卷六

七

林泉寄跡負居諸冷落門無問字車一種閒情殊落
落幾回蝶夢覺蘧蘧詩堪尋樂娛年老藥可扶衰養
歲餘忽振精神揩倦眼剪燈忙讀遠方書

尺素投來至性存感深知已莫忘恩同胞望汝家能
克一室慚余齒獨尊垂老徒傷憐賈誼買絲刺繡想
平原湘江痛飲醒成醉襟上應留舊酒痕

風塵何事解人頤除卻詩筒算酒卮茵溷花霏香莫
定輸贏棋局子爭馳瀟湘遠隔增惆悵鴻雁分飛感
別離寄語頽濱須記取東坡非復少年時

靜處深山最寂寥親朋絮語坐中宵泉清有味茶堪

鬢髮白生愁酒莫澆老我秋容霜後菊看人春氣海
門潮班班玉筍環羅列壯志凌雲未肯銷

叔兄

桂丹林

多年璞玉早藏諸

余役都門
退藏已久

箕穎間行駕鹿車士不

逢時騷賦楚過如能寡學希遠休文病起形雖瘦阮
籍途窮德有餘指日中流揚桂楫濟川定載一船書
葵傾霍向寸心存肯把巾車負渥恩飛蓋翠搖南楚
地聚星精貫北辰尊陽春預卜鶯遷谷陰雨疇堪鶴
在原極目洞庭湖上水兩行情淚溢新痕

老來病骨獨支頤爭得同堂醉一卮千里關山徒夢

湘南酬唱

卷六

三

想百年事業共神馳拈花縱有南樓興聽雨何堪故
國離見說子由憔悴甚寒暄檢點要隨時

兩地襟分悵寂寥懷人風雨度春宵苦吟縱可離情
訴痛飲何嘗塊磊澆西陸情縈湘浦月東坡唱徹海
門潮幾行錦字應須記休把凌雲志氣銷

姪

長森 竹閣

奔馳南北歷艱諸乍荷新 恩錫命車維楚有材原
寶善吾廬可愛尙懷遠傷心薪木連朝毀屈指分離
五載餘忽聽平安喧竹報故園喜接一函書

年周大衍志猶存報答春暉不負恩伯玉 非尤定

寡孔融服政德彌尊長懷治績師言偃忍讀離騷悵
屈原何故愁腸和韻寫令人洒淚尚留痕

家君引養缺豐頤定省多疎孰奉卮諸父提携懷面
命一家骨肉共神馳老年手足情原重亂世鄉關夢
不離聞道竹林圖小憩

聞叔父新繪竹林小憩圖

青燈猶憶課

兒時

自顧頻年倍寂寥多愁誰念可憐宵談來時務憑詩
寄話到窮途仗酒澆無翼可隨南北雁有情奚啻往
來潮惟期復旦光輝早觴晉琴堂悵盡銷

姪

長青

松友

湘南酬唱

卷六

五

由來美玉待沾諸涓水曾經載後車驚序相排看濟
濟牛刀得試樂遽遠槐庭早識聽音吉

伯兄長森人學錄古條音

聲樹賦題桐尾何妨是嬰餘宦海無端多感觸治安喜讀

賈生書

孤矢男兒志僅存竹林培植負深恩家饒轉覺聰明
累世亂休誇德業尊獨惜枯魚悲涸轍偏驚逐鹿徧
中原不堪華屋遭秦火舊燕尋巢有淚痕

二老誰憐缺養頤他鄉寄跡強傾卮良姻惠我情原
重佳節思親意更馳荆樹好培植共茂頃篋乍奏曲

偏離今春都獲添丁喜定是宗支弱轉時

莫道衡陽雁影寥也欣有鶴伴良宵

吹竽
隨侍

解囊好

把兼金寄酌酒應知塊磊澆靜夜頻繁湘浦月狂風

吹斷廣陵潮壩橋插柳陰成綠悵望離懷那不銷

下手

壩橋姪已插
柳數百株

姪

長華

竹友

明知美玉豈藏諸中道無端暫息車垂老稱雄猶憶
馬使人遞信不慚遠心存幹濟匡扶切日擊干戈擾
攘餘兒輩無能空感慨有懷敢答數行書

鐘鼎銘勲志素存致身定可報君恩年當服政心

偏壯學到知非德益尊宓子鳴琴殊俗吏祖生擊楫

湘南酬唱

卷六

三

爲中原此行莫問家鄉事君問家鄉惹淚痕

食祿原非快朶頤莫愁無當等虛厄蠖雖暫屈應終

變駿豈能羈定遠馳宗慤有懷明志願鄭公和淚狀

流離讀書爲國平生事老大還如少壯時

遠離奚必歎寥寥起舞聞雞趁此宵自古英雄多養

晦伊誰風俗辨淳澆瀟湘令我常繁夢吳越何人再

射潮總是有心維世道躊躇壯志不曾銷

巢名棟

子城

斷無美玉久藏諸十丈光騰七乘車蒼赤深情常眷
眷邯鄲舊夢尙遠遽頻年旅况多波折百里清才特

緒餘第一行囊誇最富短琴長劍古今書

從來善政別無存兩字勤廉好報恩獨具憂危懷
杜老不辭艱險憶王尊匡居志念關天下吏治循良
見本原自是愛民民亦愛甘棠幾見斧斤痕

塵教傾心語解頤臨歧惆悵酒盈卮虛堂爲祝懸魚
活別意無端共馬馳衡嶽雲高天浩浩昭潭秋老草
離離鬪鷗有意隨鷗翥毛羽何年是滿時

自合幽棲守寂寥芋灰誰與撥殘宵閭邱曾失驂駒
遇司馬難將塊礪澆况復戎氛騰若霧何堪愁思湧
如潮知公此去鴻毛順坐看中原兵氣銷

湘南酬唱

卷六

三

粵西羅榜愈慕韓

一輪卿月朗方諸百里何堪屈使車才大果然鮮是
小心清時有蝶飛遽官居惡耐隨風氣服政勤勞愛
日餘兩字親民常寓日本來良吏出詩書

壯志由來綺歲存矢將霖雨答君恩絲當亂處芬
能解學到謙時品益尊伯玉行年雖晚節祖生雅意
尚中原何當食肉皆如此會見封圻徧雨痕

百年有待祝期頤及艾先陳酒一卮太瘦自憐花耐
冷多情偏憶鴈分馳半騷直欲呼蒼昊光怪難禁賦
陸離手卷殷勤持付與朗吟渾忘夜深時

三奏銅琶破寂寥
教人舞劍起中宵
時當有事鞭誰
着恨到難平
茗借澆海宇
茫茫資作楫
世情洶洶駭
奔潮錐囊願處毛
生後共看烟塵指日銷

粵西

鍾寶夔

西耘

鯤浪南馳泊孟諸
波濤胸次使君車
河陽有政傳花
韻漆吏無言寓蝶
遽半榻茶烟風定後
一庭草色晚
晴餘閒來高臥陶
窗北此老原來好讀書

聞道輿評告普存
高陵人識長官恩
下單今見龔黃
績自壽能浮大白尊
勝事早應如我祝
惠心初不待人原
脫巾獨坐松陰晚
黃竹樓西有月痕

湘南酬唱

卷六

三

鼎來人解說詩頤
笑折花枝蘸酒卮
漫興風情如水
活老年心事感颯
馳湘靈有瑟終疑
夢屈子成騷亦
訢離太息東坡泥
上爪秋高同指雁
來時

搔首長吟望沈寥
焚香人度可憐宵
詩懷淡處宜秋
賦茶夢圓時當酒
澆休問頻年今舊
雨又看八月廣
陵潮伯牙山水琴
心古聽得鍾期意
也銷

